

潁州府志卷之十

瑯琊王劼福凝箕氏纂輯

雜誌

祥異
辨誤

紀聞

史

班固作藝文志有雜家者流其書目多不可以尋常論而其言曰知國體之有此見王治之無不貫益信蹈常襲故不足以窮極無外也潁地處江淮之中民生其間不見異物而遷有何恢奇之事荒忽之談然而依古以來所見異詞所聞異詞所傳聞又異詞矣史家之法非要無以明統非詳無以盡物故序祥異兵革而考証疑

潁州府志

卷之十

雜誌

一

誤摭拾舊聞胥附焉亦以備文獻之微云爾

祥異

漢

初元五年汝陰慎縣夏及秋霖雨連旬壞卸民舍及流水殺人

永元十二年六月汝陰慎縣大水傷稼

元初二年潁水化爲血按京房占曰水化爲血兵且起

三年十月汝南雷

延光二年三月汝陰慎縣大風拔木是年慎縣

木生連理

建和元年黃龍見譙

熹平五年黃龍見譙

建安元年河淮饑

十二年黃龍見譙

晉

咸寧元年正月汝陰木生連理四月白雉見

縣

太康二年山桑縣地震

元康四年汝陰慎縣蓼縣地震是年汝陰木生

潁州府志

卷之十

雜志 祥異

二

連理

建武元年汝陰木生連理

大興二年三月山桑蝗

宋

元嘉十一年嘉禾一莖九穗生汝陰

二十年汝陰木生連理豫州刺史劉遵考

二十一年雩婁連雨百餘日大水

大明二年汝陰樓煩平地出醴泉豫州刺史

愨以

七年白雀見汝陰豫州刺史垣護之以獻

泰始五年白獐見汝陰劉勔以獻

梁

大寶元年雩婁大饑

隋

開皇五年汝陰大水

九年河淮數百里水涸無魚

唐

貞觀四年淮南地生毛

八年淮南大水

二十年甘露降亳州

潁州府志

卷之十

雜志 祥異

三

永徽四年夏汝陰潁上霍邱旱

總章元年江淮大旱饑

嗣聖十八年霍邱地震

開元八年正月甘露降於亳州

二十九年亳州老子祠九井涸復湧

上元二年淮南太饑

貞元四年淮南及河南地生毛

十三年淮水溢于亳州

長慶二年霍邱饑

太和八年江淮大旱

咸通元年潁州大水

二年秋不雨至於明年六月

三年淮南河南夏饑

九年江淮旱蝗

天祐二年五月潁州汝陰民彭文妻一產三男
是年疫

後唐

長興三年諸州大水潁亳尤甚

後漢

乾祐二年潁州進白鹿

潁州府志

卷之十

雜志 祥異

四

後周

顯德三年潁州進白兔又進白鳥

宋

建隆二年亳州獻芝草翰林學士王著上頌

朝

開寶二年七月潁亳水害秋禾

四年六月汝潁水漲壞民舍田禾

六年六月潁淮淝水溢渰民舍田疇甚衆

七年二月亳州蝗

太平興國二年六月潁州大水壞城門軍營民

舍

五年潁州水溢壞堤是年潁獻白獐白雉

淳化四年潁州秋霖雨敗稼

五年潁州潁上秋雨水溢禾稼皆腐是年潁州

獻白雉

咸平四年亳州太清宮鐘自鳴是年亳州獻白

兔

六年潁州獻白麕

是年亳州麥一莖兩穗

大中祥符四年亳州生芝草

潁州府志

卷之十

雜志 祥異

五

五年江淮旱

六年亳州秋八月野蠶成繭麥菽再實

六年冬十月亳州甘露降太清宮枯檜生枝

天禧元年霍邱蝗自死

二年三月甲申潁州隕石出泉飲之愈疾

三年正月晦潁州沈邱民駱新田間雷震頃之

隕石三入地七尺許

四年江淮稔

天聖四年淮南大水

五年潁州水

明道元年淮南旱饑

慶曆四年淮南饑

治平元年潁州霍邱水復旱

三年潁州大水

大觀三年江淮大旱

重和元年江淮水

紹興十八年淮南旱饑

嘉泰元年淮南旱饑

淳祐六年霍邱蝗

咸淳三年夏亳州靈雨傷蠶禾麥皆無

潁州府志

卷之十

雜志 祥異

六

四年七月亳州蝗

元

至元二十五年河決汴梁潁州太和潁上大水

二十七年河決祥符義唐灣潁州太和潁上復

大水亳州地震

元貞二年潁州太和潁上大水

大德元年亳州水溢漂沒田廬

延祐三年潁州太和河溢

至治二年蒙城大雨傷禾

致和元年五月潁州蝗

至正十九年蒙城蝗

二十五年太和縣河決二十七年復決

明

建文元年三月霍邱地震

永樂二年霍邱地震

七年潁州水霍邱縣三尖山泉湧

洪熙元年四月霍邱縣地震六月震十二月又

震

正統二年潁上縣霍邱縣大水

天順四年潁上水溢民舍多沒

潁州府志

卷之十

雜志 祥異

七

八年亳州通眞觀產芝

成化二年潁州潁上縣太和縣大水漫城尺許

蒙城縣水并大饑

三年太和水大饑

十年春霍邱縣災

十二年霍邱縣地震有聲

十三年潁上縣桃李冬花有實如王瓜

十六年春潁州潁上縣地震

十七年潁州大饑大疫二月霍邱縣亳州地震

五月大旱

二十一年二月亳州十字河產麒麟

二十三年霍邱縣旱大饑

弘治元年霍邱縣旱大饑

二年霍邱縣大雪平地三尺

六年九月二十五日潁州潁上霍邱太和蒙城

俱大雪至次年二月終始霽歲大熟

七年四月初三日夜北風大作潁州潁上縣雨

雹傷稼

八年七月十五日午潁上縣驟雨即止日色中

三龍出沒烟雲上下相持自南而北所過屋瓦

皆飛十月霍邱縣地震

九年亳州雨雹傷稼

十二年霍邱縣大水

十三年六月亳州孝子王矩墓側產靈芝

十七年五月十二日風自西作晝晦潁州潁上

縣船多漂沒夜分乃止是年大饑疫

正德元年霍邱縣地震有聲大風拔木

三年潁州進白兔潁上縣大饑霍邱縣蒙城縣

蝗大饑疫

四年春潁州大饑六月霍邱縣空中有聲自北

來踰月方止冬大雪樹多死

六年潁上縣有怪鳥來鳴

十一年蒙城縣民許廷柱家產靈芝三本

十二年夏霍邱縣大水人多溺死

十三年太和縣麥秀兩岐秋穀大穰

十六年蒙城縣麥秀兩岐

嘉靖元年夏霍邱縣蒙城縣蝗七月二十四日

潁州潁上縣太和縣等處大風拔本禾稼盡空

冬潁州潁上縣霍邱縣太和縣等處氣暖如春

果水皆華間有實歲荐饑

二年春蒙城縣大疫夏潁上縣大旱秋霖雨傷

穀河水大漲冬積陰六畜傷損殆盡十二月二

十八日大雷電雨水盡黑霍邱縣亳州大饑疫

三年正月元旦夜潁州霍邱縣潁上縣太和縣

並地震春大饑

四年八月潁州地震十二月復震

八年霍邱縣蝗

九年黃河水入蒙城縣城壞民居

十二年潁州亳州蝗

十三年潁州太和縣並蝗亳州大饑霍邱縣大

水

十四年潁州蝗田無遺穗霍邱縣夏雹

十五年太和縣大水

十六年太和縣大旱

十七年黃河溢亳州大水田廬盡沒

十九年太和縣霍邱縣蝗

二十二年亳州黃河復歸德府故道春霍邱縣

河水及城西南池冰結花形如畫菊三日始消

蒙城縣大水崩城

二十三年霍邱縣旱蝗

潁州府志

卷之十

雜志 祥異

十

二十四年冬十二月霍邱縣地震

二十五年四月二十日潁州大雨雹損稼

二十七年蒙城縣大水

二十八年秋潁州有黑青入人家遠近騷動霍

邱縣大荒

三十九年亳州蝗

四十一年亳州大旱

四十二年霍邱縣白雀集賓賢樓

四十五年夏霍邱縣大水

隆慶二年潁州亳州大水冬大雪深丈許霍邱

縣地震有聲如雷

三年十二月初七日蒙城縣蔣瞳集星隕有聲入地尺許

四年霍邱縣麥秀兩歧

五年霍邱縣大疫

六年潁州潁上縣並水八月潁州良莊湖有物白色晶瑩可鑑高四尺圍二尺許蠕動如人形居民逐之奔馬不及射之有聲月餘始沒霍邱縣久旱傷禾亳州水

萬曆元年霍邱縣雨雹

三年潁上縣大風傾城堞

四年十月霍邱縣雷

七年蒙城縣春雨三月民大饑

八年蒙城縣生聖稻數百畝

九年六月潁州潁上縣雨雹如雞卵霍邱縣饑

十年潁州潁上縣並地震

十一年夏亳州靈雨平地水深數尺麥漂沒冬

大饑

十二年六月潁州潁上縣並大風拔木

十三年四月潁州潁上縣並地震是年潁州白

鳥見

十四年二月十三日有火光如柿落潁州東北
夜署旁舍災霍邱縣旱大饑

十五年元旦潁州潁上縣霍邱縣亳州並大雷
雨秋旱太和縣五月水傷禾

十六年霍邱縣蒙城縣太和縣並旱

十七年霍邱縣旱淮竭井枯擔水千錢五月地
震有聲

十八年三月初三日潁州潁上縣俱大風城郭
震動是日清明節墓祭之人有吹落井塹者入

夜方定秋有烏龍起潁上縣東沙河南岸入於
龍池灣次日復起風雨大作霍邱縣春饑夏麥
秀兩穗

二十年潁州蟋蟀食禾殆盡

二十一年潁州潁上縣蒙城縣俱大水樹杪生
根霍邱縣春饑秋七月三尖山起蛟水湧溺死
無筭九月十三日霍邱縣地震有聲冬大饑

二十二年春潁州潁上縣霍邱縣亳州太和縣
並大饑秋大熟潁上縣地震河水俱沸

二十三年八月十二日夜潁州洄窩溜河水忽

漲起二丈許船檣皆倒霍邱縣開順鎮產靈芝
二十五年八月潁上縣地震

二十六年太和縣地震雨雹

二十七年蒙城縣麥秀兩歧是年獲白鼠白狼
白鳩冬北甕城災太和縣臥龍岡獲虎

二十九年潁州潁上縣亳州黑霧黃風晝晦並
有火災蒙城縣黃河水泛秋潁州大水豆角生

蟲

三十年正月潁州潁上縣霍邱縣亳州俱大雪
深數尺二月二十四日雨黑水五月初四日潁

州潁上縣亳州同時雨雹大如卵蒙城縣黃河
水泛潁州雨後風熱如火秋大水傷禾九月二
十四夜黃龍見十月十二日龍復見

三十一年潁州潁上縣霍邱縣俱大疫毒瘡殺
人死者十之六八月潁州亳州大水平地丈餘
饑太和縣黃河水溢入境

三十二年七月潁州雨雹九月桃杏華頻見白
兔潁上縣蒙城縣大饑夏大疫

三十三年八月潁上縣雨水黑蒙城縣大疫
三十四年九月潁上縣桃杏華雨雹

三十六年潁上縣大旱

三十七年潁州亳州蝗潁上縣大有

三十八年太和縣蒙城縣俱蝗

三十九年潁上縣元旦雷震春大饑蒙城縣大水

四十一年霍邱縣疫

四十二年潁上縣蝗

四十三年霍邱縣牛產麒麟落地出火民撲殺之

四十五年霍邱縣旱蒙城縣蝗

四十六年潁州亳州蝗蒙城縣大水

四十七年潁州亳州蝗蒙城縣夏秋大旱潁上

縣大雪百鳥死

四十八年太和縣蝗蒙城縣雨雹

天啟元年春潁州霍邱縣亳州潁上縣蒙城縣

俱大雪深丈許

二年蒙城縣地震

四年潁上縣大旱蝗

六年蒙城縣旱蝗

七年春潁州霍邱縣恒雨五月潁上縣大水

崇禎四年潁上縣大水

五年潁州潁上縣亳州大水

六年潁州潁上縣亳州蒙城縣鵓鳥至

按此鳥狀如鳩

可食鳥之所至寇即隨之出北漢唐開元中一入內地即兆突厥犯邊此為流寇破殘之兆

七年十月北方虹見十二月十八日夜潁州城

南門鎖自響驚開及城陷逃出南門者皆免霍

邱縣守城刀鎗出火亳州鵓鳥至太和縣有黑

風從西北來白晝如夜地震龍見界首集是日

無雲鱗爪畢露蒙城縣大蝗

八年潁上縣禦寇刀鎗生火長寸餘青白色太

和縣鵓鳥至地震

九年潁州霍邱縣四月雨至八月止十月潁州

留陵口民家鎗頭生火蒙城縣大水

十年二月蒙城縣赤風自西北來火氣逼人冬

霍邱縣大霧晝冥霧霽木介冰雪晶瑩狀若旗

鎗

十一年蒙城縣鄉民家產靈芝一本

十二年二月二十一日亳州紅雲彌天墮火延

燒經數晝夜有攜箱篋就水者箱內自焚蒙城

縣風霾蔽天晝晦

十三年潁州潁上縣霍邱縣蒙城縣大旱蝗七月大風拔木斗米千錢亳州大疫十二月潁上縣大雪著樹如刀鎗形

十四年春潁州潁上縣霍邱縣大饑夏四月疫秋末方止青蠅大如棗丁盡戶絕者無數淝水溢壞民廬舍潁州王市集塔崩內出石匣貯銀棺金瓶等物督師馬士英取去

十五年亳州蒙城縣黃河水泛

十六年二月潁州霍邱縣大風霾晝晦三月復風霾秋雨雹冬潁州潁上縣霍邱縣蒙城縣俱

潁州府志

卷之十

雜志 祥異

十六

地震亳州大饑

國朝

順治二年潁州霍邱縣水潁上縣甘露降

三年潁州亳州蒙城縣水

四年潁州亳州蒙城縣水

五年秋潁州潁上縣霍邱縣亳州蒙城縣俱大水

六年潁州霍邱縣淮水陡漲廬舍漂沒甚衆蒙城縣水

七年潁州大風拔木夏雨雹傷麥

八年霍邱縣地震

九年潁州潁上縣地震霍邱縣水蒙城縣旱

十年冬蒙城縣地震大雪

十一年潁上縣大水亳州靈雨傷稼秋冬旱蒙

城縣地震

十二年潁上縣霍邱縣亳州水六月潁上縣旱

十三年蒙城縣大水

十五年潁州太和縣地震

十六年潁州霍邱縣太和縣俱水

十八年潁州霍邱縣大旱

潁州府志

卷之十

雜志 祥異

十七

康熙元年潁州霍邱縣水八月潁州蝗九月復

大水二十九日夜半火龍見

二年潁州旱霍邱縣水冬十月潁州雨粟

三年潁州旱霍邱縣水

四年潁州春夏無雨復大水霍邱縣大旱

五年潁州蝗

六年潁州霍邱縣旱蝗六月霍邱縣地震有聲

如雷冬十月大饑蒙城縣大水

七年潁州霍邱縣大水六月潁州蒙城縣地震

太和縣雨蕎麥

九年蒙城縣大雪樹木死

十年蒙城縣旱蝗大饑

十二年蒙城縣蝗蝻

十三年蒙城縣旱

十八年潁州大饑

十九年麥大熟

二十三年太和縣蝗

三十年太和縣蝗

三十一年太和縣蝗

三十四年太和縣產一蒂兩瓜

潁州府志

卷之十

雜志 祥異

十八

三十九年夏潁州大水

四十二年亳州饑

四十五年潁州大水

四十八年潁州亳州潁上縣太和縣俱水

四十九年春潁州饑太和縣大熟鄉民朱陞地

內一莖五岐

五十二年秋七月太和縣水

五十四年五月潁州水

五十五年潁上縣麥秀兩岐

六十一年二月太和縣地震四月又震

雍正元年冬太和縣沙河溢

九年潁州舉報壽民司羽明年一百零四歲筋力强健間或荷鋤子文衡七十四歲孫連勳四十七歲曾孫林三十歲元孫成十歲五世一堂亳州舉報壽婦單懷臣妻張氏年一百零一歲十年四月初五日熒惑入房二度五月初三日潁州西城邱家園火自午至亥燒至東北城黑龍潭止鼓樓被焚毀民房四千六百六十一間乾隆元年亳州舉報壽民趙振鐸年一百零六歲周德茂年一百零二歲潁上縣壽婦劉杜氏

一百零八歲

二年阜陽縣舉報壽婦葉李氏年一百零六歲四年夏六月潁州府大水東西南三門水皆進急屯之太和縣水没民居秋七月沙河溢水圍城蒙城縣災

六年太和縣六月大雨至八月止蒙城縣大水潁上縣霍邱縣亳州俱大水

七年阜陽縣雨自四月至七月太和縣雨自五月至八月潁上縣霍邱縣亳州蒙城縣俱大水八年阜陽縣太和縣疫

九年阜陽縣霍邱縣旱蝗太和縣蒙城縣俱大水

十一年潁州府雨自四月至七月六屬俱大水

十二年六屬俱大水

十三年阜陽縣潁上縣霍邱縣俱大水

十四年阜陽縣潁上縣亳州俱大水潁上縣壽

婦鄭龔氏年一百零四歲

十五年潁州府六屬俱大水阜陽縣四十里舖

民楊在朝妻袁氏一產三男太和縣民李峻妻

潁州府志

卷之十

雜志 祥異

二十

十六年潁上縣舉報壽婦馬張氏年百歲

兵革

春秋魯桓公十一年楚屈瑕將盟貳軫鄆人軍於蒲騷將與隨絞州蓼伐楚師

文公三年魯叔孫得臣會晉人宋人陳人衛人鄭人伐沈沈潰

五年楚子燮滅蓼

十四年楚伐舒蓼

宣公八年楚伐舒蓼滅之

十年楚子伐鄭晉士會救鄭逐楚師於潁北

成公七年吳入州來

十六年楚以汝陰之田求成于鄭

襄公十年諸侯戍鄭虎牢楚公子貞帥師救鄭

鄭夾潁而軍

二十六年楚子秦人侵吳及雩婁聞備而還

昭公五年楚子以諸侯及東爨伐吳備不可入

使蘧啟疆待命於雩婁

十二年楚子狩于州來次于潁尾使蕩侯潘子

司馬督囂尹午陵尹喜帥師圍徐以懼吳楚子

次于乾谿以爲之援

十三年吳滅州來

二十三年吳敗頓胡沈蔡陳許之師於雞父胡
子髡沈子逞滅獲陳夏鬻

定公四年夏四月蔡公孫姓帥師滅沈以沈子
嘉歸殺之

十五年楚子滅胡以胡子豹歸

哀公二年蔡遷於州來

湣公十二年吳伐陳楚昭王救陳軍於城父

秦二世元年七月發閭左適戍漁陽九百人屯
大澤鄉陳勝者字涉陽城人當行爲屯長會天
大雨道不通度已失期法皆斬勝與吳廣鄧宗

謀詐稱公子扶蘇楚將項燕以徒衆爲壇而盟
攻大澤鄉收而攻蕘蕘下狗蕘以東皆下之行
收兵比至陳卒數萬人入據之乃自立爲王時
郡縣苦秦法爭殺長吏以應後勝雖敗死其所
置遣王侯將相竟至亡秦漢高祖時猶爲勝置
守塚三十家是年葛嬰攻譙下之
後漢中平元年譙人曹操起兵討黃巾及董卓
十四年軍至譙
建安十四年曹操引水軍自渦水入淮
魏延康元年軍次譙大享軍士及譙父老

黃初五年魏主以舟師擊吳親御龍舟循蔡潁
浮淮如壽春

六年八月魏主復以舟師伐吳自譙循渦入淮
晉永嘉四年漢兵寇洛陽河內王粲掠梁陳汝
潁之間陷壁壘百餘

五年漢石勒追敗東海王越軍於苦縣

建武元年祖逖取譙城降其塢主張平樊雅漢
石勒遣石虎圍譙逖擊走之

太元九年將軍劉牢之伐秦拔譙城

宋元嘉二十七年魏發兵趨汝潁

太始三年魏鄭義元石引兵攻汝陰太守張超
不克退屯陳項冬復來攻汝陰有備無功而還
七年妖寇宋逸攻合肥殺汝陰太守王穆之郡
縣討平之

齊中興元年蕭衍使其將元樹據譙城魏樊子
鵠率諸軍攻克之

梁天監五年廬江太守裴邃克魏霍邱殺其城
主甯永仁

大通元年陳慶之攻魏渦陽克之十一月以蕭
淵藻爲北討都督鎮渦陽

二年陳慶之破魏潁州刺史婁起

大同三年東魏潁州長史賀若統執刺史田迄
舉城降魏

四年東魏遣侯景治兵虎牢復河南諸州潁州
復入東魏

太清元年正月侯景據河南叛歸于魏潁州刺
史司馬世雲以城應之十二月東魏慕容紹宗
引軍擊景景敗之于渦陽紹宗奔譙城

隋大業三年賊帥房憲伯陷汝陰
十二年田黑社盜據渦州

唐天寶十五年眞源令張巡起兵討安祿山

興元元年李希烈寇濠廬壽團練使張建封
遣其將守霍邱以備之

元和十四年韓弘以潁亳歸有司

咸通九年龐勛破下蔡

乾符五年黃巢攻亳州未下

廣明元年黃巢圍潁州時段珂居潁募少年拒
戰賊潰

中和三年朱全忠據亳州

光啟三年秦宗權掠地潁亳

梁乾化三年遣兵侵吳兵渡淮表其可涉之津
霍邱守將朱景徙置深處梁兵敗望表而涉溺
死大半

周顯德三年正月下詔親征命李重進將兵先
赴正陽與南唐將劉彥貞戰于正陽斬之

四年命王環將水軍沿潁入淮大破唐軍

宋開寶元年北漢潁州砦主胡遇春來降

建炎四年金阿魯補幹里也下順昌

紹興六年劉豫命劉麟率兵由壽春以犯合肥

劉猊由紫荆山出渦口以犯定遠猊爲宋軍所

敗麟在順昌聞之亦拔砦而去

十年五月壬寅金人圍順昌東京副留守劉錡
引兵敗之六月乙巳劉錡遣將敗金人于李村

壬子兀朮率十萬衆攻順昌劉錡率將士死戰
大敗之

是年張俊遣王德復宿州金人棄亳而遁

三十一年金知順昌軍孟昭率部曲來歸詔劉
錡王權李顯忠戚方備清河潁河渦河口

三十二年金丞相襄帥甲士二千人渡潁水攻

拔潁州

開禧二年十月丙子金分兵爲九道南下僕散
揆以兵三萬出潁壽紇石烈子仁以兵三萬出
渦口僕散揆至淮遣人密測淮水惟八疊灘可
涉卽遣奧屯驤揚兵下蔡聲言欲渡守將何汝
勵姚公佐悉衆屯花靨以備之揆乃遣賽不等
潛師渡八疊官軍不虞其至遂皆潰賽不遂奪
潁口下安豐軍
嘉定十年攻金潁州焚掠而歸
十四年攻金沈邱十一月焚潁州執金之防禦
判官而歸

寶慶五年楊春作亂據亳州金觀察判官劉均
死之

紹定五年蒙古攻金下潁州

六年蒙古圍金亳州金蒲察官奴襲敗之

寶祐三年蒙古張柔率山前八軍城亳州戍之
景定三年夏貴奪蒙古亳滕等七州四縣殺其
守將蒙古將張弘畧遏之于渦口

元至正十一年劉福通破潁州據朱臯攻羅山
等縣陷汝寧光息等府州衆至十萬
十五年韓林兒建都亳州

二十三年張士誠將呂珍入安豐殺福通等據其城明常遇春擊走之

二十六年明太祖遣將取潁州

時稱吳王至二十八年建元洪

武

明成化九年盜入霍邱掠帑藏

正德六年流賊屠蒙城縣劉六陷太和縣楊虎

亂子毫武平衛指揮石璽百戶夏時擒誅之

七年流賊劉三等掠潁州破太和圍潁上掠霍

邱高唐市兵備僉事李天衢督衆固守七日敗

遁

嘉靖元年流賊王堂作亂寇亳州十字河太和

縣倪邱等集

三十二年施尙詔作亂掠亳州潁地震動

三十七年潁州收妖人高普仙下獄

隆慶六年多盜增設捕盜通判一員於方家集

萬曆二十二年瓦店民王自檢聚衆爲亂官兵

會勦州民于蛟誘自檢匿西湖密報指揮王孟

時擒之艾亭賊李大榮樹幟稱王撫軍李三才

擒之

三十一年李三才移兵鎮潁

天啟四年亂民楊桓楊從儒嘯聚潛布潁州河
南巡撫程紹遣將獲之

崇禎元年土賊陳犬破霍邱城肆掠

八年正月闖賊圍潁州據城外高樓飛矢石擊
守城士民穴城入殺掠極慘盤踞三晝夜通判
趙士寬知州尹夢鰲赴水死紳士婦女死者無
算劫潁上南照集破霍邱縣知縣黃日芳妻陳
氏妾李氏同赴水死圍亳州破北關焚掠一空
犯太和縣知縣吳世濟率士民力守敗去未幾
復駕大車覆蓋毡褥下伏壯士持鋤斧爲穴城

計又負門扇爲屏扎梯擁衆齊攻城上用矢石
火炮隨方拒之賊死甚衆乃遁去八月流賊老
獍獍侵掠亳州九月流賊復攻潁州兵備副使
謝肇玄與潁州貢士李栩擊走之渡淮犯蒙遊
擊苗有才敗之於駱駝集窺搶太和之界首集
兵民堵扼河口不得渡復于十里溝等處屢有
斬獲又攻潁上縣知縣蕭公嗣却之
九年流賊薄潁州掠蒙城知縣王化澄禦之遂
自蒙城趨潁上圍城數匝連攻十三日邑令廖
維義多方却之

十年流賊左衿王等犯潁州潁營都司李栩設
伏三里灣敗之生擒跳澗虎油葫蘆等溺死二
千餘救回難民七百餘人攻潁上縣邑令廖維
義却之小袁營掠亳州白龍王廟鎮

十一年十營賊侵掠潁州方家集老獬獬侵掠
潁州驛口橋集小袁營一條龍萬小仙等寇亳
州

十二年春老獬獬掠潁州中村岡等集秋復至
十三年礦賊袁老山寇亳州連營五十里焚殺
殆盡

十四年流賊自西南來黃得功敗之於江口乃
遁礦賊袁老山盤踞潁州潁上縣攻蒙城縣圍
城三日總兵劉良佐敗之

十五年南五營賊潛謀奪潁州城義民郭尙智
死之革裏眼左衿王等復謀入城郡判任有鑑
督民固守却之袁時中劫掠王老人集叅將李
栩死之郡判任有鑑請兵會勦黃得功引兵擊
敗之追殺幾盡老獬獬等繼至得功選精騎從
潁西擊之亦潰去李自成陷亳州知州何燮死
之南五營賊革裏眼左衿王等復入霍邱縣知

縣左相申被執不屈賊寸磔之叅將張士義擊走之是年太和縣練總姜士奇叛尋滅之

十六年亳州土賊房文宇等盤踞民莊野無居民

十七年潁上縣士兵許黑子等謀叛搶擄城內國朝順治六年山寇陳伯紹入霍邱城知縣吳國用率死士巷戰手斬七賊因馬跌自刎死

十年洪福邪教攻霍邱城城中火起城潰生員鄒洙死之兵備道金辰良率衆殲戮殆盡山東兵叛侵亳州東境漕撫沈文奎追滅之

辨悞

潁州晉爲汝陰隋置潁州唐初改信州宋政和六年改潁州爲順昌府舊志謂晉改信州後魏置潁州宋改潁昌府悞也按北齊以陳州項城爲信州宋元豐三年陞許州爲潁昌府舊志悞以陳州爲潁州順昌爲潁昌也

舊志謂韓琦知潁州與程明道范文正泛舟西湖按朱子名臣言行錄引程氏遺書載伊川與韓持國范夷叟泛舟於潁川西湖遂誤以許州之西湖爲潁州并誤以韓維爲琦范純禮爲仲淹伊川爲明道也魏

潁州府志

卷之十

雜志

辨悞

三十一

公未嘗仕潁皇祐四年有潁州之命未至而卒明道時年二十一謬之甚矣鳳陽府志及潁州王志俱已辨之

鄆邱潁州志云州東五里有土阜屹然漢志新鄆屬汝南郡應邵曰秦伐魏取鄆邱卽此章帝建初四年徙宋公於此俗呼潁陽城按鄆邱去汝陰五里置縣不應如此之近通鑑綱目秦拔魏邢邱在武陟縣東南無取鄆邱之文至潁陽舊縣一以爲在潁上一以爲在太和不得卽以鄆邱爲新鄆而并混新鄆爲潁陽也

沈國在潁州西一百二十里廢沈邱縣古沈子國姬姓唐書宰相譜系表以爲周文王第十一子聃季食邑于沈文獻通考云妣姓不言何人後所封

漢地里志汝南郡有平輿縣左傳杜注汝南平輿縣北有沈亭新唐書地里志蔡州有平輿注云貞觀元年省入新蔡天授二年復置宋史淮西路無平輿疑是時平輿已入金矣輿圖備考於河南沈邱下注云古沈子國漢平輿省志遂以平輿在沈邱縣而潁州之平輿爲訛按今河南之沈邱縣唐貞觀八年以廢邠州置沈邱縣屬於潁州漢無沈邱縣其平輿縣爲

潁州府志

卷之十

雜志 辨悞

三十二

今沈邱鎮地無疑也

地理城在州南一百一十里汝水之陽相傳元至順壬申同知歸暘請添置縣名潁水按劉應李翰墨全書作於大德間已載潁水疑非始於至順也

舊志潁東三十里有寢邱城按史記滑稽優孟傳註在今光州固始之地孫叔敖子僑之封邑前有妬谷後有戾邱則以爲在潁者悞

舊志蔡伯喈墓在潁州西六十里栗頭倉之西按一統志開封府卽古陳留郡東北有伯喈墓則以爲在栗頭倉者悞今其地有四大塚亦不可考

舊志以州東三里灣中流高塚爲黃霸墓按霸治潁川乃今之許州又非潁人安得有墓在潁俗又呼黃霸洲

漢灌夫潁陰人父張孟談給事潁陰侯灌嬰遂蒙灌姓史記陰縣屬潁川今陳州南頓縣西北三十里潁陰故是也則灌夫非汝陰人舊志已辨之矣

李端按本傳知襄鄧二州非潁州也鳳陽志云至和中知潁州遷鎮東軍節度觀察使蓋因其子評知潁州而也

釣魚臺在潁州東七十里潁水北岸舊志云漢末袁

潁州府志

卷之十

雜志

辨悞

三十三

避地汝陰遊釣之處考袁安傳安乃汝南汝陽人乃安五世孫自應世爲汝陽人未聞其遷徙汝陰也又閔居士室十八年妻子莫得見後卒於土室則所謂遊釣者亦非

管寧係管仲後考田氏篡齊管氏去之或適或適楚漢興有管少卿爲燕令始家朱虛九世而生寧故三國志以寧爲北海朱虛人蓋其去潁上久矣

張路斯潁上之百社村人以爲家於寢邱後化龍去陷爲湖土人呼張家湖其說甚誕

上有潁陽鄉俗呼縣爲潁陽猶潁州有潁川衛俗

竟稱潁川也潁陽廢城在太和縣中都志又
以鄴爲潁陽潁上志遂以鄴邱事蹟俱收入志則
悞中之悞矣

管子墩蓋置縣時因陵爲高後人憑眺地耳俗以爲
管仲墓者非也管仲墓在臨淄縣南牛山阿

廬江郡慎縣文獻通考云白公勝邑按左傳子西召
勝使處吳境爲白公杜註白楚邑也汝陰郡褒信縣
西南有白亭是勝之封邑在褒信矣白公敗吳於慎
非封慎也至廬江郡之慎縣乃江左僑置本漢九江
郡遂道縣之地而通考混爲汝陰之慎相去益遠矣

潁州府志

卷之十

雜志 辨悞

三十四

臯陶墓相傳在霍邱縣按史記臯陶卒後始封其子
孫於六蓼今墓或其子孫之墓歟

明一統志云霍邱縣周霍叔虔封邑並 叔有塚在
淮水岸上舊志因之按史記武王封叔虔于霍注引
漢書地理志云河東彘縣霍叔所封又鄭玄周禮注
霍山在彘縣本春秋時霍國地杜預左傳注畧同按
漢彘縣今山西霍州則言霍叔封霍邱及淮岸有塚
之說皆不足據

通典云霍邱漢松滋縣續通典云宿松縣漢元始中
爲松滋縣屬廬江郡晉武帝以荊州有松滋縣遂改

爲宿松兩說互異考漢書志廬江郡松滋縣東漢時省三國魏置安豐郡復置松滋縣爲屬晉以後因之至隋始改名宿松故隋書志無松滋縣唐武德初別置松滋縣屬蓼州七年省入霍邱縣通典以唐蓼州之松滋爲漢松滋誤也至續通典晉改宿松之說考宋南齊志安豐郡仍有松滋縣則以隋改名爲正霍邱志松滋廢縣在縣東十五里漢初置松滋侯國在今宿松縣界自是兩地又寰宇記松滋一名祝茲卽古鳩茲春秋鳩茲在蕪湖縣旣非宿松亦非霍邱記又誤矣

六蓼二國虞夏以封臯陶後六後爲六安州蓼後爲霍邱縣本無可疑一說六蓼故城俱在壽州而遂以六安州爲漢潛縣霍邱縣爲漢松滋皆非也安豐一在霍邱漢置安風縣後漢爲安風侯國魏置安豐郡晉安帝省宋末復置東魏郡縣俱廢水經注淮水束爲安豐津水南有城故安豐都尉治復立霍邱戍是也此在霍邱之西南界一在壽州沈約宋志南豫州安豐江左僑立晉安帝省爲縣宋齊梁間屢復置隋開皇初郡廢以縣屬淮南郡唐屬壽州明初省寰宇記縣在壽州南八十里今爲安豐鄉水經注

水西北逕安豐縣故城西是也

九仙山在霍邱縣開順鎮有石曰九相傳仙人搗藥處舊志以蘇飛李尚左吳田由毛被雷被伍被晉昌爲八仙並淮南王爲九按史記淮南王安以謀反自殺其八人之中雷被以善用劍與淮南王太子戲悞傷太子被恐卽至長安上書自明安日夜與伍被左吳等按輿地圖部署兵所出入左吳勸安反伍被初力諫後爲安畫策乃遣中尉捕安太子伍被詣吏自告天子欲勿誅張湯不可遂誅之其蘇飛李尚田由晉昌皆無所見而史載淮南自殺後諸所與謀反者

潁州府志

卷之十

雜志 辨悞

三十六

皆族未見有仙去之說也前漢書載安所著書有中篇八卷言神仙黃白之術故因此附會之耳

魏志王昶太原晉陽人舊志以爲霍邱人非

舊志霍邱縣城東牛口埠集唐太宗追竇建德處按史唐太宗敗建德于虎牢追奔三十里建德竄匿牛口唐兵執之則牛口近虎牢不在霍邱也當是地名偶同耳

譙國通鑑綱目周顯王四十年秦代魏拔焦註括地志云古焦國在陝縣古虢城中因焦水爲名武王封神農之後于焦文獻通考云焦姬姓國在弘農陝縣

今陝州有焦城則非亳州之譙矣亳州之譙乃春秋陳之焦邑而鳳陽志又云弘農之焦姬姓史記神農後姜姓當以亳縣之焦爲是

昇天檜在亳縣相傳老子乘白鹿緣此樹昇天宋歐陽文忠公詩云惟能乘變化所以爲神仙驅鸞駕鶴須臾間飄忽不見如雲烟奈何以鹿起平地更假草木相攀緣乃知神仙事茫昧真僞莫究徒相傳按史記云老子出關莫知所終昇天之說妄也

舊志章華臺故址在亳州左傳楚子成章華之臺杜預注在今南郡華容縣通典云古華容在竟陵郡監

潁州府志

卷之十

雜志 辨悞

三十七

利縣今湖廣荊州府屬縣也蓋去亳地遠矣

亳志載顏太初爲衛眞令以詩發黎德潤之寃考本傳顏慷慨好義喜爲詩譏切時事黎德潤以衛眞令被誣顏發其寃則所發者衛眞令之寃非顏自爲衛眞令也

張昞之本傳有楊崇勳誣蒙城令壬申一事昞之爲白其寃考楊崇勳時知亳州誣申以罪非昞之知亳州也舊志悞

尚書三亳西亳爲偃師北亳爲蒙南亳爲穀熟皆非今亳州地亳本譙邑漢晉諸儒從無以譙爲亳之說

後周始改爲亳亦遙取商邱之亳爲名爾然金仁山謂桐宮在州東三里皇覽云湯冢在亳縣則以地近穀熟未必盡傅會也亳都考附錄于後

亳有三南亳北亳景亳是也今以亳名者惟譙陽一州至所謂湯受命之舊區咸以偃師爲是故譙偃俱有湯陵而祀典獨主偃師考之商書曰王歸自克夏至於亳誕告萬方蔡註謂亳湯所都在宋州穀熟縣周書立政篇曰夷微盧烝三亳阪尹括地志云宋州穀熟縣西南三十五里爲南亳故城卽成湯之都北五十里蒙城爲景亳湯盟地也盤庚遷殷在偃師西

十四里爲西亳猶漢之新豐也則湯之受命與所都地似在穀熟無疑至穀熟宋以前無所考元則分譙與穀熟兩縣爲亳州所領咸屬歸德後穀熟廢爲商邱之穀熟集西南三十里便爲亳界則亳州非湯之故都耶魏文帝皇覽曰亳州東北三里有成湯塚漢哀帝時遣御史長卿謁之文帝係亳人去古未遠今東北三里湯陵宛在似可信矣湯之始祖爲契綱目所載孔子云契父帝嚳都亳湯自商邱遷焉是先世居商邱至湯始居亳及奄有四方遂以作一代之都厥後子姓屢遷仲丁遷囂河亶甲遷相祖乙遷邢遷

耿盤庚復遷偃師改商爲殷名曰西亳至武乙又遷河北則偃師爲盤庚之都而非湯之故都也較然矣又按今歸德府寧陵縣爲古葛伯國使湯都偃師則相去甚遠而豈與葛爲鄰乎商頌曰陟彼景山松栢丸丸又曰景員惟河殷受命咸宜此頌武丁之詩盤庚遷殷以後隔數世之事也而春秋傳又曰湯有景亳之命何哉夫世遠年湮滄桑幾變典籍異載不敢執爲定評茲特據所見以考定云爾至於景員惟河之義朱子猶云未詳亳亦並無山谷則詩之所指非

譙陽可知其在河南偃師之前後乎

蕭山蔡必達識

潁州府志

卷之十

雜志 辨悞

三十九

漢章帝封殷後於宋後徙新鄆今太和有宋王城則新鄆當在太和以爲在潁州者蓋因太和地漢爲細陽魏晉時省入汝陰故多附見也

倪寬千乘人前漢志以爲在青州今太和有倪邱經鋤樓等古蹟豈寬嘗附居細陽歟

太和縣西門外有浣紗女廟以爲伍子胥出亡迷津女指示之遂投水死豈當時子胥自城父取道於此歟存疑可也

定遠志以莊子之漆園爲歸德之蒙其意以今之蒙邑爲漢山桑戰國時無所爲蒙城也不知盤庚遷殷

以北冢爲蒙其來已遠矣史遷以莊周爲蒙人而不書小蒙以別于大蒙又不書蒙澤以別于大小蒙城其爲蒙人無疑也宋王荆公寄蒙令蘇子美詩民有莊周後世風前人所考信也

范蠡塚在蒙城縣西六十里按越旣滅吳蠡泛舟五湖其廟與塚所在多有俱無確據

高皇后墓在蒙城北十五里按宋英宗永厚陵在河南鞏縣宣仁太后豈有別葬於蒙之理蓋高氏先世之墓也

摭史

魏太祖武皇帝沛國譙人也姓曹名操字孟德漢相

國參之後

一名吉利
小字阿瞞

桓帝世曹騰爲中常侍養子嵩

莫能審其生出本末

或以爲夏
侯氏之子

嵩生操少機警有權

數而任俠放蕩舉孝廉除北部尉遷頓邱令徵拜議

郎元和末黃巾起拜騎都尉遷濟南相久之徵還爲

東郡相不就稱疾歸鄉里董卓廢漢靈帝爲弘農王

而立獻帝表操爲驍騎校尉欲與計事乃變易姓名

東歸合義兵將以誅卓始起兵於己吾初平元年韓

馥孔伉等十太守同時俱起兵推袁紹爲盟主操行

潁州府志

卷之十

雜志 摭史

四十一

奮武將軍卓聞兵起乃徙天子都長安自屯洛陽卓
兵強紹等莫敢先進操曰舉義兵以誅暴亂大衆已
合諸君何疑紹等不能用乃還龍亢二年袁紹表操
爲東郡太守三年司徒王允與呂布共殺卓李傕郭
汜等殺允擅朝政青州黃巾衆百萬入兗州鮑信迎
操領兗州牧受降卒三十餘萬收其精銳者號青州
兵興平二年長安亂天子東遷建安元年楊奉韓暹
以天子還洛陽操至洛陽暹遁走洛陽殘破乃都許
以操爲大將軍封武平侯以大將軍讓紹乃拜司空
三年禽呂布丑年董承等謀誅操被殺袁紹進臨官

渡操大破之收其輜重圖書珍寶七年操軍譙令曰
吾起義兵爲天下除暴亂舊土人民死喪略盡國中
終日行不見所識使吾悽愴傷懷其舉義兵以來將
士絕無後者求其親戚以後之授土田官給耕牛置
學師以教之爲存者立廟使祀其先人魂而有靈吾
百年之後何恨哉遂至浚儀進軍官渡紹自軍破後
發病死子譚尚爭冀州九年破袁尚十年攻袁譚破
之冀州平十三年以操爲丞相十四年軍至譙作輕
舟治水軍秋七月自渦入淮出肥水軍合肥置揚州
郡縣開芍陂屯田十一月軍還譙十五年作銅雀臺

十七年天子命操贊拜不名入朝不趨劔履上殿十
八年命操爲魏公十九年天子使魏公位在諸侯王
上改授金璽赤紱遠遊冠十一月弒皇后伏氏二十
一年進爵爲魏王十一月征孫權至譙二十二年命
操冕十有二旒乘金根車駕六馬設五時副車以丕
爲太子二十六年崩於洛陽年六十六子丕字子桓
中平四年生於譙嗣位爲丞相魏王改建安二十五
年爲延康元年初漢熹平五年黃龍見譙光祿大夫
橋玄問太史令單颺此何祥也颺曰其國後當有王
者興不及五十年亦當復見天事恒象此其應也至

是黃龍復見譙七月南征軍次於譙大饗六軍及譙父老百姓於邑東八月漢帝禪位改延康爲魏黃初追尊父操爲武皇帝五年巡幸許昌宮八月爲水軍親御龍舟循蔡潁浮淮幸壽春揚州界六年三月幸譙八月以舟師自譙循渦入淮從陸道幸徐十二月自譙入梁七年五月崩年四十諡文皇帝

節魏志

晉景帝景懷夏侯皇后沛國譙人父尚征南大將軍母曹氏魏德陽鄉主后雅有識度帝每有所爲必預籌畫

晉夏侯太妃譙人祖威兗州刺史妃幼而明慧瑯琊

潁州府志

卷之十

雜志 撫史

四十三

武王爲世子覲聘焉生元帝帝嗣位稱太妃

梁武帝丁貴嬪譙國人初產有神光之異紫氣滿室故以令光爲名性仁恕不好華飾器物無珍麗

眞宗大中祥符六年秋七月亳州官吏父老三千三百人詣闕請謁太清宮八月庚申詔來春親謁辛酉以丁謂爲奉祀經度制置使丙寅禁太清宮五里內樵採庚午加號太上老君混元上德皇帝冬十月甲子亳州太清宮枯檜再生眞源縣菽麥再實七年春正月壬寅車駕奉天書發京師丙午次奉元宮判亳州丁謂獻白鹿一芝九萬五千本戊申上混元上德

皇帝冊寶己酉朝謁太清宮天書升輅兩雪倏霽法
駕繼進佳氣彌望是夜月重輪幸先天觀廣靈洞霄
宮曲赦亳州及車駕所經流以下罪升亳州爲集慶
軍節度減歲賦十之二改奉元宮爲明道宮太史言
含譽星見庚戌御均慶樓賜醑三日壬子詔所過頓
遞侵民田者給復二年

節宋史真
宗本紀

英宗宣仁聖烈高皇后亳州蒙城人曾祖瓊祖繼勳
皆有勲王室至節度使母曹氏慈聖光獻后姊也故
后少鞠宮中英宗與后年同旣長成婚濮邸生神宗
皇帝岐王顥嘉王顥壽康公主英宗治平二年冊爲

潁州府志

卷之十

雜志 撫史

四十四

皇后神宗立尊爲皇太后元豐八年神宗不豫宰執
等乞立皇太子太后權同聽政哲宗嗣位尊爲太皇
太后驛召司馬光呂公著爲相使同心輔政一時知
名士彙進於廷凡熙寧以來政事弗便者次第罷之
改青蒲復差役除市易之法追茶鹽之禁契丹主戒
其臣下勿生事於疆場曰南朝盡行仁宗之政矣蔡
確坐車蓋亭詩謫嶺表后謂大臣曰今皇帝以子繼
父有何間言而確自謂有定策大功妄煽事端規爲
異時炫惑地吾不忍明言姑託訕上爲名逐之耳此
宗社大計姦邪怨謗所不暇恤也臨政九年朝廷清

明華夏胥定人以爲女中堯舜元祐八年九月崩年

六十二

節宋史高
太后傳

明太祖父世珍始徙鍾離元至正四年旱蝗大饑疫
太祖時年十七父母兄相繼歿孤無所依乃入皇覺

寺爲僧遊食汝潁

北照寺南照寺
其遊歷處也

三年復還寺是時

盜賊四起潁州人劉福通與其黨杜遵道羅文素盛
文郁等言韓山童宋徽宗八世孫當主中國謀起兵
以紅巾爲號至正十一年事覺福通等遽入潁州反
而山童爲吏所捕誅福通據朱臯破羅山上蔡眞陽
確山犯葉舞陽陷汝寧光息衆至十餘萬時郭子興

潁州府志

卷之十

雜志 撫史

四十五

亦據濠應之十二年太祖入濠見子興爲親兵戰輒
勝十五年二月福通物色山童之子林兒得諸碭山
夾河迎至亳僭稱皇帝又號小明王建國曰宋建元
龍鳳拆太清宮材治宮闕於亳尊其母爲太后郭子
興已卒檄其子天敘爲都元帥太祖爲副元帥太祖
不受然念林兒勢盛可倚藉乃用其年號以令軍中
既而元師大敗福通於太康進圍亳福通挾林兒走
安豐未幾兵復盛十八年攻下汴梁遂迎林兒都焉
察罕帖木兒大發秦晉之師會汴城下福通又挾林
兒走安豐二十三年張士誠將呂珍圍安豐林兒告

急於太祖太祖親帥師往救而珍已入城殺福通太祖擊走珍以林兒歸居之滁州明年太祖爲吳王又二年林兒卒林兒橫據中原縱兵蹂躪蔽遮江淮十有餘年太祖得以從容締造者藉其力焉節明史太祖本紀及

韓林兒傳

淑妃李氏父傑洪武初以廣武衛指揮北征卒於陣

明史以爲壽州人霍邱志則以爲邑之壽安鄉人十九年孝慈皇后服除册

封淑妃攝六宮事明史以爲未幾薨霍邱志以爲帝寢疾妃遂自縊帝尋愈蓋諱之也

擴廓帖木兒沈邱人見人物傳本姓王小字保保元平章

察罕帖木兒甥也察罕養爲子順帝賜名擴廓帖木

潁州府志

卷之十

雜志 撫史

兒明兵已定元都元臣皆入於明惟擴廓擁兵塞上洪武三年命大將軍徐達出西安擴廓奔和林踰年復遣徐達李文忠馮勝將十五萬衆分道出塞取擴廓至嶺北與擴廓遇大敗死者數萬人劉基嘗言擴廓未可輕也至是帝思其言曰諸將自請深入輕信無謀致多殺士卒不可不戒後擴廓從其主徙金山卒妻毛氏亦自經死太祖心敬擴廓一日大會諸將問曰天下奇男子誰也皆對曰常遇春太祖笑曰遇春雖人傑吾得而臣之吾不能臣王保保其人奇男子也册其妹爲秦王妃節明史擴廓傳

紀聞

何比干治獄仁恕嘗陰雨有老嫗求寄避雨雨甚而衣履不濕雨止送出門謂比干曰公有陰德今天錫策以廣公之子孫因出懷中策九百九十枚以授曰君子孫佩印綬者當如此算時比干年五十有八有六男後又生三子代爲名族

鬪敞字子張平輿人仕郡爲五官掾時太守第五常被徵臨發倉卒有俸錢百三十萬留付敞敞埋著堂上遂遭世亂道路斷絕敞年老饑羸其妻曰第五府君所寄錢可取自給然後償之敞曰吾雖窮老何敢

潁州府志

卷之十

雜志

紀聞

四十七

用故君之財耶道通當送還饑寒何損常舉門遭疫妻子皆死有孤孫年九歲常謂之曰吾寄故五官掾平輿鬪敞錢三十萬氣遂絕後孫年長大步擔至汝南問敞敞見之悲喜與共臨埋處發錢百三十萬孤孫曰亡祖臨終言有三十萬耳今乃得百三十萬不敢當也敞曰府君病困氣索言謬誤耳卽無疑也北齊鼓吹二十曲皆改古名以敘功德其第十曲漢君馬黃改名定汝潁言文襄遣清河王岳禽周大將軍王思政汝潁悉平也鄧殷平陽襄陵人亮直強正鍾會伐蜀奇其才自黽

池令召爲主簿後授皇太子詩爲淮南太守夢行水邊見一女子猛獸自後斷其盤囊占者謂水邊有女汝字也斷盤囊者新獸頭代故獸頭也不作汝陰當汝南也果遷汝陰太守

高愍女名妹妹父彥昭事李正巳及納拒命質其妻子使守濮陽建中二年挈城歸河南都統劉玄佐納屠其家時女七歲母李憐其幼請免死爲婢許之女不肯曰母兄皆不免何賴而生母兄將被刑徧拜四方女問故答曰神可祈也女曰我家以忠孝誅神尙何知而拜之問父在所西嚮哭再拜就死德宗駭歎

潁州府志

卷之十

雜志 紀聞

四十八

詔太常諡曰愍彥昭從玄佐救寧陵復汴州累功授潁州刺史朝廷錄其忠居州二十年不徙卒贈陝州都督

亳州聖水唐敬宗時汴宋觀察使令狐楚言亳州聖水飲者病輒愈宰相裴度判曰妖由人興水不自作命所在禁塞按李德裕亳州聖水狀云臣訪聞此水本因妖僧誕惑狡計丐錢數月以來江南人奔走塞路每三十家都僱一人取水擬取之時病者斷食葷血自飲之後又二七日蔬食其水斗三千而取者益之他水沿路轉以市人老疾飲之多至危篤近福

建百姓渡江者日三五千人臣於蒜 已加捉 若不絕其根本終恐無益黎甿昔吳時有聖水宋時有聖火亦皆妖妄古人所非乞下本道觀察使令狐楚速令填塞以絕妖源從之

章懿之崩晏殊撰志只言生一女早卒仁宗恨之及親政出志文以示宰相曰先后誕育朕躬殊爲侍從安得不知呂文靖曰殊固有罪然宮省事秘臣備位宰相是時雖畧知之而不得其詳殊之不審理或有之然方章獻臨御若明言先后實生聖躬事得安否上默然良久命殊出守金陵又改守南都及殊作相

潁州府志

卷之十

雜志 紀聞

四十九

又欲重黜之宋祁當草曰麻力争乃降二官知潁州以他罪罪之

晏同叔守汝陰梅聖俞往見之將行同叔置酒潁河上因言古人章句中全用平聲製字穩貼如枯桑知天風是也恨未見仄字詩 聖俞旣引舟遂作五仄詩寄之曰月出斷岸口影照別舸背且獨與婦飲頗勝俗客對月漸上我席暝色亦稍退豈必在秉燭此景亦可愛

歐陽修致仕居潁蔡承禧謁於私第從容曰公德望隆重朝廷所倚未及引年而遽此高退豈天下所望

也歐陽公曰吾與世多忤晚年不幸爲小人誣巖止有進退之節不可復令有言而俟逐也今日乞身已爲晚矣小人蓋指之奇也

歐陽公退休於潁水之上更號六一居士客有問曰何謂也曰吾家藏書一萬卷集錄三代以來金石遺文一千卷有琴一張有棋一局而常置酒一壺客曰是爲五一耳曰以吾一翁老於此五物之間是豈不爲六一乎

治平四年陸子履經爲潁州太守歐陽公赴毫過之閱書於其室見仁宗所賜御書飛白雲章爛然輝映

潁州府志

卷之十

雜志 紀聞

五十

日月因爲之記

熙寧三年四月十五日時歐陽公已退休於潁卜居西湖撰其考崇公及太夫人瀧岡阡表勒諸石齋歸遣吏檄郡守董墓事過湖有龍蜿蜒夾舟碑沒於水吏持檄以告郡守守令吏祭墓且以告則碑已巋然植於其側矣守墓者曰昨之夜震電發土碑於是出也薄視之見表文中獨以朱圈祭而豐不如養之薄八字滴水淋漓硃迹炳然黃魯直檄龍文云臣黃魯直謁言臣聞天子詔修永叔以三月三日趨朝欽奉皇上深寵錫以重爵推以峻位加思三世著共褒詞

以贈修命石氏鑄之刻瀧岡阡表世次碑乃舟載
回五月十三日至鄱陽湖泊舟廬山之下是夜一叟
同五人青衣大帶來舟揖而言曰聞公之文章蓋世
水府願借一觀自謂龍也請碑入水遂不見焉惟陰
風怒號澹月映空修驚悼不已坐以待旦黎明起諭
時直知太和令以同邦之誼命直爲文以檄恭惟洞
天水府之宮震澤主者潤濟王闕下福地陰陽龍池
歲月星斗芒寒受穹質於上界雲津變化膺顯號於
人間廟食吳中官民均賴茲有河神之玩法敢將表
石以沉淪妙畫雄文自應呵護瓊章玉冊孰敢誰何

雖龍宮之幽玄而龍神之慧徹巽風震雷駭蚪奔鯨
地裂水竭淵泉俱滅旣已各司其職胡不永保其身
以汝上天功也驤首雲霄德配亭毒乾道之性厥位
六焉鼎成以升實汝之神下地利也淵源潭洞養身
遁性埽絕烟塵其德玄焉禹舟之負實汝之功今汝
不然乃罹茲禁萬一株連五龍盡滅書畢投檄湖中
恍惚空中語曰吾乃天丁押服驪龍至永豐沙溪勅
賜儒讀書堂之南龍坑而交也文忠公歸掃墓但
見坑中雲霧濛蔽虹光爍空大龜負碑而出倏忽不
見唯碑上龍涎宛然永置於崇國公墓前俾

垂不朽嗚呼文能動龍孝足感天公之文章德業至矣極矣天下萬世誰不翕然而宗師之時熙寧三年七月望日黃魯直謹識

歐陽居潁上申公呂晦叔作太守聚星堂讌集賦詩分韻公得松字申公得雪字劉原父得風字魏廣得春字焦千之得石字王回得酒字徐無逸得寒字又賦室中物公得鸚鵡螺杯申公得木瘦壺劉原父得張越琴魏廣得澄心堂紙焦千之得金星硯王回得方竹杖徐無逸得月硯屏風又賦席間果公得橄欖申公得紅蕉子劉原父得溫柑魏廣得鳳棲子焦千

潁州府志

卷之十

雜志 紀聞

五十二

之得金橘王回得荔枝徐無逸得楊梅又賦壁間畫像公得杜甫申公得李文饒劉原父得韓退之魏廣得謝安石焦千之得諸葛孔明王回得李白徐無逸得魏鄭公詩編成集流行於世當時四方能文之士及館閣諸公皆以不與此會爲恨

歐陽公在政府將求引去先以詩寄潁陰常秩曰笑殺汝陰常處士十年騎馬聽朝雞及公致仕還潁有詩贈秩曰潁有東鄰常處士披簑戴笠伴春鋤旣而王介甫秉政以右正言直史館召秩秩遂起先是歐公致政凡有賓客上謁率以常服於便坐延見至秩

授官來謝公乃朝衣束帶正寢見之明年眞拜侍
判國子監有無名子改前詩作秩寄歐公詩曰笑
汝陰歐少保新來處士聽朝雞又昔日潁陰常處士
却來馬士聽朝雞秩阿附介甫時論薄之

澠水燕談錄大中祥符初王旭知潁州因歲饑出庫
錢貸民約蠶熟一千輸一縑其後李士衡行之陝西
民以爲便今行于天下謂之和買絹亦曰預買始於
旭也

侯鯖錄云元祐六年冬汝陰久雪人饑一日天未明
郡守蘇公簡召議事曰某一夕不寐念潁人之饑欲

潁州府志

卷之十

雜志 紀聞

五十三

出百餘千造炊餅救之老妻謂某曰子昨過陳見傅
欽之言簽判在陳賑濟有功何不問其賑濟之法遂
相招面議令時曰已備矣今細民之困不過食與火
耳義倉之穀積數千石便可支散以給下民作院有
炭數萬秤酒務有柴數十萬秤依原價賣之可濟中
民公曰吾事濟矣遂草放積欠賑濟奏又奏乞罷黃
河夫萬人開本州溝瀆從之

元祐七年東坡在汝陰堂前梅花大開月色鮮霽王
夫人曰春月勝秋月秋月令人慘悽春月令人和悅
何如召趙德麟輩來飲此花下先生大喜曰吾不知

子亦能詩此真詩家語耳遂召與飲先生用是語作
減字木蘭花有不似秋光只與離人照斷腸之句
東坡志林曰子來汝南地平無山清潁之外無以娛
予者而地近亳披特宜檜栢自拱把而上輒有樛枝
紐紋治事堂二栢與薦福兩檜尤爲殊絕孰爲使予
安此寂寞而忘歸者非此君也歟東坡又有咏靈壇
觀再生檜詩未知靈壇觀卽薦福或兩地今不可考
歐陽公自維揚移守汝陰作西湖詩云綠芰紅蓮畫
舸浮使君寧復憶揚州都將二十四橋月換得西湖
十頃秋東坡復自潁移淮揚作詩云二十四橋亦何
有換此十頃玻璃風使歐公詩也

潁州府志

卷之十

雜志 紀聞

五十四

杭州有西湖潁州亦有西湖皆爲遊賞之勝而東坡
連守二郡其初得潁有潁人在坐云內翰只消游湖
中便可以了郡事秦太虛因作一絕云十里荷花菡
萏初我公身到有西湖欲將公事湖中了見說官閑
事亦無後東坡到潁有謝執政啟亦云入叅兩禁每
玷北扉之榮出典二邦迭爲西湖之長
張耒字文潛知潁州聞蘇軾訃爲舉哀行服出俸錢
於薦福寺修供乃遭論列貶房州別駕
陳後山紀事云予爲汝陰學官學者多言萬壽之西

潁水之上有林號稅于步步西有異木人莫能名相傳數百歲榮落不時舊有碑云粉黛塗容金剎之樹予往觀焉木身纔十數年爾是時歲暮羣木皆落從者以爲枯也木下有剎石石有象又有銘云曹公有悟怖心未已敬造浮圖式崇妙理文詞闡相粉黛塗容金剎一樹永出樊籠開元十六年歲在執徐首旬五日建地故佛事道場石乃剎下銘也粉黛塗容謂建象金剎一樹謂建剎也讀者寡陋傳者喜爲緣飾如無此石亦足惑世也按稅子步今在沙河而後山謂潁水之上可徵沙河卽潁水也

後山紀事潁諺云子過母當暑而涼水退而魚潛皆爲大水之候潁人謂前水爲母後水爲子水日至日長勢不能大水定而復來後水大于前水爲子過母水終魚當大出河濱之人厭于食鮮水退而魚不出爲潛云又諺曰黃鵠口噤喬麥斗夏中候黃鵠不鳴則喬麥可廣種也

朝眞迴蹕樓在亳州城西今不存祥符六年七月丁巳宰臣王旦等請駐蹕近畿鳴鑾景亳天老練日太僕戒途展禮奉祠爲民祈福八月庚申初詔來年春詣太清宮行朝謁之禮

王平字保衡爲許州司李叅軍有女乘驢單行盜殺諸田間褫其衣而去驢逸田旁家收繫之吏捕得驢指爲殺女子者其人認收繫其驢實不殺女子平以狀白府州將素強不聽趣令具獄平持益堅州將怒曰掾懦耶平曰坐懦而奏不過一免耳與其阿旨殺無辜又陷公于不義校其輕重孰爲愈耶州將不能奪後數日河南移逃卒至劾之乃殺女子者田旁家得釋平三子長回字深父次罔字子直次向字容季俱以文學顯深父子汶字道源詩文尤竒陰德之報有自來矣

黃休復名畫錄潁州公庫顧愷之維摩百補圖是唐杜牧之摹寄潁守者置在齋龕不攜去精彩照人前後士大夫家所傳無一毫似蓋京西工拙故也其屏風上山水林木竒古坡岸皴如董源乃知人稱江南派自顧以來皆一樣隋唐及南唐至巨然不移今池州謝氏亦作此體余因題顧畫幅上云米芾審定是杜牧之本仍以撥發司印印之蓋證勾湛刻石妄指爲人易去也余與潁簽判善託尋善工摹之凡三寄蠟本無一筆似者可上之御府乞國工摹賜世間爲千年之傳如唐文皇蘭亭豈非一代盛事

新河洲故皆陸地水漲滄沒因名洲與潁上連界元時二縣之民相爭累年至大間方斷屬霍邱霍邱臨水集明初勅建圓覺寺寺後有石鼓擊之聲清越遠聞有銅佛高二丈四尺明末毀於火盧中菴翰一日築堂新成有佃丁十餘人先飯于內及先生入視衆皆出避忽梁木雙折棟柱磚瓦俱傾舉家號救見先生伏大橙下徧體無恙使先生入稍遲則十餘人者死矣且先生又不與屋俱毀尤足異也聞者咸謂先生德行所致云

潁州府志

卷之十

雜志 紀聞

五十七

母石歌讀之淚下因錄歸其子孝廉晉爲付梓今錄其歌巖石江頭峻如壁舟人指爲慈母石慈母名來不可聞巖崖屹壓秋江碧我聞慈母名起我父母思人有父母誰不思我思父母偏傷悲憶昔生我童穉時家貧日逐圖生資父母衣我兮寧自寒父母食我兮寧自饑爇薪與我代燈燭鬻衣與我買詩書朝夕撫我俾勤學戒我勿作庸常兒天生我命苦多疾父母提攜延歲月一旦我病忽呻吟父母呶啞面如漆有時與我祝神祇要見我着藍袍衣是時我心常感發願如孔子言無違嗟哉命運亦何蹇少年不第第

亦晚使我父母老死時食不飽兮衣不暖我今方爲
一命士薄祿猶堪供甘旨二親已去掩荒坵俸祿反
將飽妻子幾回舉筋鮮食新哽咽不覺淚雙垂拭淚
常將酒杯奠酒杯不到英靈前慈母石世罕有汝在
江頭天地久我思父母不能養此恨常同汝不朽嗚
呼罔極恩難報于今賴有移忠孝便當竭力事吾君
庶可揚名酬二親
濠梁人南楚材旅遊陳穎歲久穎守慕其儀範將欲
以子妻之楚材家故有妻以受穎牧眷深忽不思義
輒已諾之遂遣僕歸家取琴書等物似無返舊之心

潁州府志

卷之十

雜志 紀聞

五十八

也其妻薛媛善詩畫好屬文知楚材之易志對鏡自
圖其容并詩四韻題其上以寄之云欲下丹青筆先
拈寶鏡端已驚顏索寞漸覺鬢凋殘淚眼描將易愁
腸寫出難恐君渾忘却時展畫圖看又作短札云不
念糟糠之情別倚絲蘿之託興言及此伊誰之愆楚
材得寄遂愧恧而寢其事夫婦竟偕老焉

謝夫人者譚文初妻汝陰人也居家雞鳴卽興佐理
家事外最喜讀書其所作書畫皆精而畫之白描者
尤有閒澹之趣

明經徐良 名潤幼釣于潁城黑龍潭舉竿得一牧

長尺許黃色首與手足皆肖人而有尾潤熟視曰鱗族人貌得非龍種耶奈何貪吾餌遂放之夜夢一黃衣叟高準長髯謝曰我龍也幼子游戲水滸誤吞公鈎感公不殺之恩愧無以報然公德仁厚若是後世必有昌者

李琮事親極孝母死葬於潁城東清河北渚嘗夏水泛漲高二丈餘琮憂塋之蕩于水也浮至塋所没水摸塋插竹爲記比水落隨竹漩成窩勢堪輿家謂是金盆荷葉形環塋皆李指揮地思破琮家龍脉捨地爲漏澤園以埋諸貧者堪輿家又謂是衆星拱月形

潁州府志

卷之十

雜志 紀聞

五十九

其後子孫科第相繼葵登成化丁未榜增登嘉靖乙未榜貞登隆慶辛未榜錦舉嘉靖乙卯孝廉嗟乎發祥之地本不可求惟有德之家能得焉及旣得矣亦非他人所能破也如李指揮忌琮得地將害之而適以成之何苦徒壞已之心術耶特表出之以戒後之妄謀損人者

兵備使者朱公舜民鎮潁日商邱賊師尙詔作亂蹂躪鄰郡潁亦練兵戒嚴公夢漢關壯繆侯縛一囚與之囚首插炬曰賊成擒矣後數日尙詔果敗因思前夢囚首插炬者上照也遂訪北城廟見關公塑像宛

如夢中迎祀譙樓朔望叩禮焉
李芥穎人任陝西蒲城簿嘉靖乙卯夢神語曰邑有大厄公素修德應默佑之越日地震舉家壓覆忽一人自稱姓姚掘地出芥夫婦又得二子于中堂得女于西堂棟宇几榻俱碎婢僕盡斃而血屬無恙比求姚姓者莫可踪跡也人歎爲善報云

張筠塢實素講性命之學從遊甚衆時有羽客嚴碧虛與之遊博洽變幻旬日不食以水化酒相與莫逆一日謂先生曰吾有黃白術非人莫授願以授公先生曰儒者何事此爲碧虛臨去留一方藥一粒越十

年有劉可者來訪曰嚴藥曾試否先生曰黃冠多誤人豈宜輕試然記尙置笥中劉曰可請試之爲辦藥具每藥一分鎔銅十兩須臾成良金劉鼓掌大噓曰嚴公誠仙耶深爲歎異而先生絕口不談也先生孝友文行遠近無間言嘗偕茅茶川冒雪騎驢至亳訪薛西原公人目爲三清士後以明經謁選授遼陽斷事及有疾寄詩于其壻孝廉李錦李至遼已卒扶櫬而歸

穎民李興慣爲竊盜嘗從劉升貸麥三石錢五百有奇弗償也夜踰童登垣行竊童覺起刺之鎗貫其喉

猶踉蹌走三里餘還家血淋漓死死之日升家產一犢期年任犁甚馴又越一歲驅之就犁卧不起鞭之牛泣而人語曰李興前負升債令償已足耕者驚報劉升升卽趨視牛死矣時萬曆丙子九月也

丁廣者里中老儒也嘗任保州教授郡將武人而通判者戚里子悉多姬侍沈千酒色會有道人過郡自言數百歲能煉大丹服之可以飽嗜欲而康強無疾然後飛昇度世守貳館之以先生之禮事之選日朔丹竈依法煉丹四十九日乃成成時神光屬天置酒大合樂相慶然後嘗之廣聞之裁書以獻乞取刀圭

以養病身道人以其骨凡不與守貳憐之爲請僅子半粒廣忻然服之不數日守貳皆疽發于背相繼告殂道人已宵遁矣廣腰間亦生癩甚惶恐亟飲地漿解之得愈明年考滿改秩歸汝陰疾復作又用前法稍痊偶覺熱躁因澡身水入創口中不能起金石之毒有如此書之爲世戒云

王敷政性至孝遭喪廬墓三年足不踰闕服闋將歸遍謝墓鄰飯于高姓家而雷雨大作遶戶震霆敷政方驚懼避席而雷從其座下穿屋穴出數里之間村舍盡燬惟高氏家獨全潁人盛傳雷避孝子

謝州守詔有心計知形家言官頴時于西北城壕外
特建石閘以收水脉兼節宣水利後不知何人廢之
取其石別用忽土中得一碑記云此頴城西北隅出
水口也砌石築壘以保永固否則無論堪輿家弗之
善將城守之謂何江右謝詔密記州人廢閘未幾乙
亥破城之變卒如公言

萬曆丙午夏五月州守孫崇先捕獲巨盜審其贓狀
不明者於頴河北杖警以釋聚觀者數千人忽一蝦
蟆突至案前長鳴數聲旋跳往一人肩上張口者三
守疑其告寃卽拘其人訊之供云姓李名文信曾同

李應學石倉三人與田子香爭姦寡婦張氏因謀殺
田席捲繩網其屍沉之三里灣水中今李石二人亦
在此守命並擒之囑幕僚謝尚樸率役求屍無獲適
岸上有一蝦蟆又鳴謝幕卽其處掘焉果得屍席捲
繩網而文信等各認眞是子香屍殺後當夜埋此棄
之河者誑也遂斷抵償衆皆稱快
百戶朱袞家世良善一日領軍入京事竣還至黃河
翟家口已登舟矣忽一醉人怒詈摔之上崖朱亟下
舟避之又隨詈拽起如初舟人不能待乃竟解纜去
距岸祇丈許舟忽自沉人多溺死救免者纔數人爾

醉人亦猛醒朱問以故醉人初不自知無以對也
明末流寇欲掠潁上而未稔其貧富乃斂其所掠旁
郡珠飾僞爲入城貨賣者週行三日無一人能鬻賊
出笑語其酋曰是窮鄉也舍之而去城卒以全此可
爲慢藏之戒

任翼宸父偉遇寇矢中腰甚危翼宸每當父敷藥必
口呬患處旬餘創愈

牡丹鄆陵通許及山左曹縣間有異種唯亳州所產
最稱爛熳毫之地爲揚豫水陸之衝豪商富賈比屋
而居高舸大艚連檣而集花時則錦幄如雲銀燈不

夜遊人之至者相與接席携觴徵歌啜茗一椽之儗
一箸之需無不價踴百倍浹旬喧讌歲以爲常土人
以是殫其菝灌之工用資客賞每歲仲秋多植平頭
紫剪截佳本移於其榦故花易繁又於秋末收子布
地越六七年乃花花能變化初本徃徃更得異觀至
一百四十餘種可謂盛矣今郡城牡丹不減於毫而
燕游之盛則兩地俱寥寥矣

劉吏部公馘體仁在鳳陽與其友蘇銘孝廉往龍興
寺與某禪師叩擊竟日晚歸遂化去是夜銘夢體仁
來微笑吟曰六十來年一夢醒飄然四大御風輕與

君昨日龍興寺猶是拖泥帶水行

舊志郡城風水圖議曰昔有議建文昌閣於金雞城樓上者余惜其美意而小用之我潁坐水向山似非逆局然北窄南濶是頭在北腹在南也雖坐水而向水雖向山而坐山蓋以順龍結逆局力量全矣清河南前河北來小黃河東來古謂三川貫潁會處以華嚴寺臺鎖之長尖向上成倒地貪狼形爲進田筆又清河遺蹟餘流遶城南由婆塚而去以塚爲華表是水口有砂亦云嚴密山勢其自乾戌由西而南而東一起一跌交成金水二星勢如串珠盤旋回遶是山

情拱顧亦云聚會城基坐下平坦內無高岡大阜得土星之正城形長而又曲是爲木星堪輿歌云木星直而長撼龍經曰左輔星辰幞頭樣我潁坐水向山兼有外濠又有水砂當名泛水木長而兩曲當名左輔木潁之爲木星也何疑天四星備而火星不旺經曰熒惑出入當道則國有慶又曰五星聚齊又曰得火而成用今日亟講者莫如建塔使火炎上城爲木生亥而旺東塔爲火生寅而旺南今學坐武曲星帶巨門半分後有龍池居癸地暗拱泮水是蔭也坐下器宇曠朗主貴顯泮水內聚主富饒惜雲路塞文筆

不現爾當于龍廟建塔透入雲霄北對先師殿上配
丙宮太薇垣又於東南高堤上建文昌閣前建高塔
上應巽分太乙宮是謂子來投母庶天星兼備山水
効靈若區區金雞樓佳用恐只止財帛豐盈而已夫
城爲木木遇桎桎可卜衰旺州道坐東桎前應武曲
星金來尅木故主刑掌威丙丁若有文筆又有助也
州助坐西桎後應文曲星水來生木又帶左輔一二
分龍池水前遶暗拱可惜微返跳官主清平又鐘鼓
樓城隍廟爲雙赦文星衙門少禍吏曹獄庫平西湖
前時水滿真龍憩息今可惜洩盡西北天柱山被清

水流破建閘緩其流也極妙但消納無法致閘不固
爾河東建塔華表山也對華嚴寺爲捍門兩美俱備
以上皆鄉先生楊公南字太恆者所記

華嚴寺潁東三里灣之右有臺長百餘步濶五十餘
步浮於水面隨水泛消爲上下尖頗上指形家名倒
地貪狼星鎖三河之口收湍奔之勢謂若建塔以鎮
之可收水脉

潁郡形勢其落頭太微垣結局也龍水可據者龍之
大勢自戌乾方乾陽山發脉由西而南而東平龍行
度共支脚開帳處起星峰作集鎮自治南分水龍王

廟大轉而北平地珍珠分金水芙蓉帳至三里岡正
龍化平入城左轉結府治中水鉗結學宮東副龍北
轉自金雞嘴翻身結縣治鴛鴦互結迴龍逆局不待
言矣城南之星巒聳秀有天星中垣陳常郎位寺形
左右夾輔東西各有三里但少三台貴峰火星亦可
代之論其水局北淝沙南淮谷西南汝近南潤數水
皆龍之纏護插枝中清潁爲龍之血脉也統滙于潁
尾以至正陽而近城三陽尤可悉數其大口滙塹溝
六十里舖之冰出千層灣近治中陽合黃水千三里
灣而城內之水白龍溝其內竅也其城外檀家湖爲

東界水庫爲巽流西歐湖爲西界爲乾流後帶潁水
坐水面山其爲太微垣也又何疑哉若夫城基坐下
水木星是貪狼帶文曲也城內正龍東轉西擺曜龍
兩枝副龍西轉東擺曜龍一枝體勢飛揚楊云幙頭
樣確論也但平地無火星恐貴氣不續龍王廟建文
筆卞去生火子來投母理勢然也經云火星不起官
不顯丙分建塔插入雲霄以爲赦文之吉此面前山
宜如是耳太恒之言更爲切當至于衙後之水黑龍
潭爲府衙之後龍池小教場爲玄武縣衙白龍潭爲
後纏資福寺前水爲龍池外陽但宜白龍潭黑龍潭

人工交通以復其舊氣愈暢而體愈固矣雖然學宮
尤其扼要者也楊云學宮之水大聚不出主富饒非
也鉗穴聚水主駁雜雲路閉塞主嶒嶝今雲路已開
其氣漸舒但得龍王廟文筆峰透正映大成殿亦可
以化駁雜而爲純粹上應丙位以成火星歸太微垣
之吉秀此熒惑當道之義也且楊之條議所云青龍
口斜飛之水爲清河 矣此水係林公建閘于青龍
口反放濠水斜奔東南之所致所以潁有乙亥之禍
故楊云濠水奔而欲東洩某氣也清水壅而不西引
檀家湖水不能逆挽而上也且此水辰水非巽水也

卽巽水亦不可引入絕水故也太恒又云西北天柱
清水南來流破其見未遠夫天柱雖云流破而水來
卽是山來潁河乾亥相拱非天柱乎蓼花洲向上捍
內口成靈龜形非補天柱之缺乎何破之有且主人
壽華巖寺三里灣建塔中陽水口却主富饒不若面
前丙丁方文筆之急急也至于谷堆寺在中宮則爲
巳方多煞氣依南門則辰方主亢逆去之幸也于是
爲論附記之

劉藍田記

潁地山少水多土豚鬆虛土生其間浮動易而沉潛
難囿於方也故厭文好武相尚無已以至蕩析家產

棄祖父之業者比比而是每遇歲試與各牧令約並
質之 學使者凡有少年才品可造之士皆抑之不
使盡應武試亦挽回之一道也霍邑李生名鰲者以
武庠而入文學食餼時肄業鍾山書院旋登庚午賢
書夫古今來學士而富韜略將軍而擅風雅何可勝
數誠以文武之途雖分而道無二也在李子原不足
多然得之潁地可謂豪傑之士不囿於方者矣故書
之以爲潁人勸